

„საქმე ეხება იმას, რომ პარტიული მუშაობა მიზნათ ისახავდეს მასების ორგანიზებასა და აღზრდას, მეურნეობისადმი ხელმძღვანელობის გაუმჯობესებას, სოციალისტური მეურნეობის განუწყვეტელ ზრდას, საბჭოთა ხალხის მატერიალური უზრუნველყოფის გაუმჯობესებას, მისი კულტურის ამაღლებას“.

(სკკპ ცენტრალური კომიტეტის საანგარიშო მოხსენებიდან პარტიის XX ყრილობისადმი)

მეტი დახმარება პროპაგანდისტებს

საინტერესოდ, შინაარსიანად მიმდინარეობს ხიდების მშენებელი № 61 მატარებლის პარტიულ ორგანიზაციასთან არსებული პარტიის ისტორიის შემსწავლელი წრის მეცადინეობა.

პროპაგანდისტი ამხ. კარამანი გასაგებად განუმარტავს მსმენელებს სკკპ XX ყრილობის მასალებს, ამ ისტორიულ გადაწყვეტილებებს უკავშირებს ხიდების მშენებელთა და სხვა რკინიგზელთა კონკრეტულ ამოცანებს.

წრის ხელმძღვანელი წარმატებით იყენებს თვალსაჩინო აგიტაციას. მაგალითად, უკანასკნელ მეცადინეობებზე ამხ. კარამანი მსმენელებს უჩვენა საკუთარი ხელით დამზადებული იმ მშენებლობათა დიაგრამები, რომლებიც დასახულია მეექვსე ხუთწლედში. იმავედროულად იგი ფართოდ იყენებს გეოგრაფიულ რუკებს. მსმენელები რუკაზე პოულობენ იმ რაიონებს, სადაც ამენდება ახალი რკინიგზები.

არის დიაგრამა, რომელიც ელმაგლისა და თბომავლის ფონზე უჩვენებს, თუ სხვადასხვა ტიპის რამდენი ლოკომოტივის გამოშვება დასახული ხუთწლედში და სხვა დიაგრამები.

ერთი დიაგრამა თვალსაჩინოდ გამოხატავს უცხოეთის დელეგაციების რაოდენობას, რომლებიც 1954-1955 წლებში იყვნენ სსრკ-ში.

წრის თვითმუშა მეცადინეობაზე პროპაგანდისტი აკეთებს საერთაშორისო მოვლენების მოკლე მიმოხილვას, აუდიტორიას აჩვენებს გაზეთების აქტიურ კითხვას, ფაქტების ანალიზსა და განზოგადებას.

ხიდების მატარებლის ბრიგადირი, საბჭოთა არმიიდან დემობი-

ლიზებული ოფიცერი ამხ. კარამანი მეტად სერიოზულად ეკიდება თავის საპასუხისმგებლო პარტიულ დავალებას, ისწრაფვის პროპაგანდისტული მუშაობა ჩაატაროს ცხოვრებასთან მჭიდროდ დაკავშირებით.

სამწუხაროდ ხიდების მატარებლის პარტიული ორგანიზაცია სუსტად ეხმარება პროპაგანდისტს: კონტროლს არ უწევს წრის მუშაობას და კონკრეტულ ზომებს არ ღებულობს მეცადინეობის გამცდენი მსმენელების, კერძოდ კომუნისტი ამხანაგების გონჩაროვას, გევორქიანისა და სხვების წინააღმდეგ.

არასწორი პოზიცია უკავია პარტიულ ბიუროს კომკავშირის კომიტეტის მიმართ, რომელიც ნაკლებ ყურადღებას აქცევს ახალგაზრდობის პოლიტიკურ განათლებას. ამას წინათ, იხილავდა რა საკითხს კომკავშირელ ამხ. კასპშაკოვას შესახებ, რომელიც მეცადინეობას არ ესწრება, კომიტეტმა დაადგინა... დაევალოს ერთ-ერთ კომუნისტს შეფოთა აილოს მასზე, მეორე შემთხვევაში კომიტეტმა გადაწყვიტა უთაური მსმენელის შესახებ საკითხი განსახილველად გადაცემოდა პარტიულ ბიუროს.

არც პარტიული ორგანიზაციის მდივანი ამხ. ბეიტაშვიანი, არც უფროსის მოადგილე პოლიტნაწილში ამხ. გარა არ გამოხმაურებია ამ არასწორ გადაწყვეტილებებს.

პოლიტიკური განათლება პარტიული მუშაობის უმნიშვნელოვანესი უბანია, იგი მოითხოვს პარტიული ორგანიზაციის ყოველდღიურ ყურადღებას.

ა. ჩაღანოვი